



Affischa

Suprastanza cumünala dals 08.02.2021

Presidi: Peer-Puorger Victor
Partecipant/s: Riatsch-Fedi Fadri
Cantieni-Lanfranchi Andri
Caviezel-Domenig Ursina
S-chüsà: Kirchen-Werro Armon
Protocol: Oswald Gian Claudio
Fabrica: Paulmichl-Rodigari Albin
Giast/s:

tractandas	tema	responsabel
1	0120 Executiva Acconsentimaint protocol	tuots
2	7900 Planisaziun dal territori Plan da quartier Plan da Muglin, Ramosch Approvaziun dal plan da quartier / decisiun a regard recuors	vp/ap
3	0210 Administraziun cumünala Butia Ramosch Dumonda da la società da butia Ramosch	vp/ap
4	1620 Defaisa civila generala Analisa da privel	vp/uc
5	7900 Planisaziun dal territori Revisiun totala da la planisaziun cumünala Plazzas da parcar Ramosch	vp/fr
6	0210 Administraziun cumünala Uorden da persunal Indemnisaziun per lavur da not	vp/go
7	7900 Planisaziun dal territori Drets da fabrica	vp

8	0120 Executiva Orientaziuns	tuots
9	0120 Executiva Varia (suprastanza cumünala)	tuots

0120 Executiva

21 Acconsentimaint protocol

Il protocol da la sezzüda dals 19 da schner 2021 vegn approvà.

7900 Planisaziun dal territori

22 Plan da quartier Plan da Muglin, Ramosch

Approvaziun dal plan da quartier / decisiun a regard recuors

Il capo spiega l'andamaint in chosa. In connex culla publiacziun dal plan da quartier Plan da Muglin d'eiran entradas diversas intimaziuns chi han per gronda part pudü gnir trattadas culs pertocs. Quellas chi sun amo pendentas vegnan suottamissas a la suprananza. Implü ha la suprananza dad approvar il plan da quartier.

La suprananza discussiunescha ils puncts averts e decida da refusar il correspondent recuors. A'l listess mumaint approvescha la suprananza il plan da quartier.

0210 Administraziun cumünala

23 Butia Ramosch

Dumonda da la società da butia Ramosch

Il capo repassa cuort l'andamaint in connex culla cuntinuaziun da la butia Ramosch, davo cha'ls possessurs vaivan tscherchè üna successiun, chi ha la fin dals quintes es gnüda chattada da la Società Butia Ramosch. Our da motivs cha'l contrat da fittanza es gnü desdit, as rechatta la manadera da la butia insembel culla società in tschercha da locals adattats per pudair mantgnair la butia in cumün. Davart da la Società Butia Ramosch es consequentamaing gnüda inoltrada üna dumonda in connex cun locals adattats pella butia. La direcziun as vaiva in quist connex fingià fat impissamaints ed examinà opziuns chi's spordschessan a cuorta vista. Per pudair proseguir in chosa, vegn proponü da laschar far ün stüdi da variantas.

La suprananza va d'accord cul intent e decida cha la direcziun dess procurar ün'offerta pellas lavurs dal correspondent stüdi.

1620 Defaisa civila generala

24 Analisa da privel

Il manader tecnic e la suprananta Ursina Caviezel infuorman sur da las lavurs in connex culla elavuraziun da l'analisa da privel pel cumün. I han gnü lö diversas sazzüdas in differentas constellaziuns. Ün per cun tuot ils rapreschantats invidats, otras be in gruppas da lavur fuormadas pel adöver bsögnaivel. A la fin es resolt ün documaint i'l qual vegn manzunà tuot l'andamaint da l'elavuraziun dal tema. Our d'ün catalog dad eventuels privels s'haja schelt 16 situaziun da privel chi pudessan eir capitar sül territori dal cumün da Valsot. Per minch'üna da quellas es gnü analisà la frequenza ch'ün evenimaint simil as repetta, ed eventualas dimensiuns da dons in quel connex. I sun gnüts constatats e notats defizits, mo eir elavuradas pussiblas cuntramasüras. Uossa vaja per quai chi'd es da decider chi chi piglia per mans che puncts. Our da quel motiv repassa la suprananza mincha singul da quels 16 szenaris e scumparta incumbenzas als preschaints. In prüma lingia vegnan il manader tecnic ed il manader da l'administraziun incumbenzats da procurar tuot quai ch'els sun buns da far. Quai sun per exaimpel masüraziuns da la statica da fabricats publics, l'adattamaint da la ledscha da fabrica in connex cun normas da SIA, mo eir da contactar ils cumüns vaschin, sch'els han fingià elavurà documainta in connex cun concepts da sgürezza per evenimaints ed occurenzas, mo eir concepts per imnatschas dad amoc e.o.p.. Divers progets

saran cumbinats cun gronds cuosts ed otras lavurs saran plüchöntschi üna roba da diligenza. Cun quistas lavurs sun gnüts svagliats in divers lös chans chi durmivan. In mincha cas vala da tgnair in ögl eventualas respunsabilitats cun privels chi's po imaginar. Decisiuns strategicas in connex cun masüras necessarias sun e restan illa respunsabilità da la suprastanza. Ils cuosts chi ha dat per far quista analisa da privel van per mez al cumün e mez al Chantun.

La suprastanza va d'accord culla lavur preschantada ed approvescha il cuntgnü.

7900 Planisaziun dal territori

25 Revisiun totala da la planisaziun cumünala

Plazzas da parcar Ramosch

Fadri Riatsch, president da la cumischiun da planisaziun, orientescha, cha a chaschun d'üna sezzüda da la cumischiun es gnüda ponderada la situaziun in connex culla realisaziun da plazzas da parcar. Our da quel motiv ha la cumischiun inoltrà la dumonda per far ün stüdi da variantas per avoir üna basa per trattar inavant. Per quist intent es, tenor sclerimaints preliminars, da far quint cun cuosts da raduond frs. 4'100.00.

La suprastanza va d'accord cul intent e decida chi ha da gnir incumbenzada üna ditta adattada culla lezcha.

0210 Administraziun cumünala

26 Uorden da persunal

Indemnisaziun per lavur da not

Il capo spiega ch'in connex cul uorden da persunal es gnü i'l passà fat ün'aggiunta pertoccond las spaisas dal persunal. Uossa es gnü inoltrada davart dal persunal chi prepara las loipas da passlung la dumonda d'üna indemnisaziun supplementara in connex culla lavur d'ürant las uras da not. Ils sclerimaints cha la direcziun ha fat, demuossan chi existan ledschas valablas in quist connex. Quellas prevezzan ün'indemnisaziun per uras prestadas tanter las 23:00 e las 06:00 la bunura (opziunal da las 22:00 fin las 07:00). Our da differents motivs ha la direcziun suottamiss a la suprastanza la proposta da reglar quell'indemnisaziun supplementara tanter las 23:00 e las 06:00 la bunura, e quai cun ün supplemant da frs. 5.- l'ura. Recugnuschü pel supplemant vegnan be uras prestadas tenor ordniaziun dal superiur.

La suprastanza va d'accord culla proposta ed apporvescha l'adattamaint dal uorden da persunal, quai eir pella part chi pertocca l'integrasiun da l'aggiunta in connex cullas spaisas dal persunal.

7900 Planisaziun dal territori

27 Drets da fabrica

Il capo spiega cha a chaschun da la radunanza dals 14 da december 2020 d'eiran gnüdas fattas bunas las prolungaziuns dals drets da fabrica da chamonnas. Ün da quels es scroudà sainza prolungaziun. Davart dal uffizi fundiari sun ils proprietaris sco eir il cumün gnüts oreintats in scrit cha tal contrat es consequentamaing scroudà e cha'l dret da fabrica es gnü stüz il cudesch fundiari da Valsot. Uossa staja al cumün d'orientar ils proprietaris sur da l'indemnisaziun e sur d'ün termin, infra quel la chamonna ha dad esser rumida per cha'l cumün possa far adöver da tala. Il manader da l'administraziun vegn incumbenzà da preparar la charta necessaria.

0120 Executiva

28 Orientaziuns*Dret da fabrica - Not Denoth Transporte GmbH in liquidaziun*

In connex culla scadenza dal dret da fabrica surnomnà sun gnüts inviats ils pass necessaris per conclüder la chosa. Actualmaing as rechatta il cumün in tratativas culla ditta. Pendent es la rumida da la parcella sco eir l'indemnisaziun cha'l cumün ha da prestar in connex culla scadenza dal correspondent contrat da dret da fabrica.

Chasa da scoula Tschlin

Il manader tecnic spiega ch'el ha gnü üna visita oculara cun sar Jon Cla Feuerstein in connex cun üna perizia da valütaziun da la chasa da scoula a Tschlin, la quala ils duos partits s'han abinats da laschar far ad el. Il böt da quella es d'evaluar la plüvalur da las lavurs realisadas. Sar Jon Cla Feuerstein fa la perizia da valütaziun e tilla protrametta lura al cumün.

Pumpiers Muttler

Andri Cantieni orientescha chi sajan entradas las offertas definitivas pel servezzan dals apparats per respirar ed il rimplazzamaint da las buttiglias d'ajer. Implü es eir entrada l'offeta da la Foppa in connex cun ün contrat da servezzan per tuot quist indrizs. Ils cuosts s'amuntan sco segua:

- | | | | |
|-----------------------------------|-------------|------------------|--|
| - varianta Interspiro INCURVE | frs. | 36'408.75 | (i'l rom dal preventiv) |
| - contribuziun GVG | frs. | 9'975.00 | |
| cuosts restants pel cumün | frs. | 26'433.75 | |
| - contrat da servezzan (Foppa AG) | frs. | 52'791.90 | (cuosts per tuot la dürada da 19 ons) |
| - contribuziun GVG | frs. | 19'950.00 | |
| cuosts restants pel cumün | frs. | 32'841.90 | (media da cuosts annuals da frs. 1'728.52) |

Quista chosa es da tractandar pella prossma sezzüda da direcziun per decider ed approvar l'intent.

0120 Executiva

29 Varia (suprastanza cumünala)*Implant da biatlon Sclamischo*

Fadri Riatsch orientescha, cha nos silvicultur Mario Denoth, chi'd segna eir conrespunsabel pella realisaziun dal implant da biatlon a Sclamischo, spordscha la pussibiltà cha la suprastanza visitescha l'implant realisà. Davopro prevezza el da dar oura vin chod i'l depot dal forestal a Sclamischo.

Il capo es da l'avis cha quist nun es invista a la situaziun cul coronavirus ün evenimaint chi's possa realisar uossa. Forsa chi's spordscha ün'otra jada la pussibiltà d'organisar alch in quista fuorma.

7556 Ramosch, 12.02.2021



Il capo:

Il manader administraziun: